

Ғылым мен білім - ел дамуының қозғаушы күші



3-БЕТ

Қоғам белсенділігі жемқорлықты жеңуге себепші



4-БЕТ

Әділ биігін елін қау араламайды



6-БЕТ



• СӘТІ ТҮСКЕН СҰХБАТ

Маратбек МЫҚТЫБЕКОВ, Шымкент қаласы дене шынықтыру және спорт басқармасының басшысы:

## «ҚАЛА СПОРТШЫЛАРЫНЫҢ ЖҮЛДЕСІЗ ҚАЛҒАН КЕЗІ ЖОҚ»

– Маратбек Сәменбекұлы, халық денсаулығын жақсартуда дене шынықтыру мен бұқаралық спортты дамытудың ролі өте жоғары. Бұл бағытта өзіңіз жетекшілік ететін басқармаға қарасты мекемелерде спорттың қанша түріне басымдық берілген?

– Дені сау ұлт – ел ертеңінің кепілі. Сондықтан қай мемлекетте болса да халықтың денсаулығын күтіп, қолжетімді медицинамен қамтылуына ғана емес, салауатты өмір салтын ұстап, спортпен шұғылдануына барлық жағдай жасалған. Әсіресе, кейінгі жылдары бұқаралық спортқа мемлекет тарапынан айрықша көңіл бөлініп жатқаны белгілі. Мәселен, Шымкент қаласында жалпы 33 спорттық ұйым жұмыс жасайды. Осы мекемелерде спорттың 74 түрі дамыту, қызығушылар санын көбейту бойынша жан-жақты жұмыс жүргізіледі. Сонымен бірге, Олимпиадаға дайындау, ұлттық спорт түрлеріне жаттықтыру ісімен білікті мамандар айналысады. «Ұстазы мықтының ұстамы мықты» демей ме? Біздің жаттықтырушыларымыз да Шымкенттің атын әлемге танытатын талай шәкіртті тәрбиелеп шығарына сеніміміз мол.

– Шымкент қаласының 2021–2025 жылдарға арналған даму жоспары айқындалып, онда спорт саласына қатысты нысаналы индикаторлар тізбесі бекітілгені мәлім. Осы міндетті межелердің орындалуы көңілден шыға ма?

– Спортта арнайы жеңінің белгіленіп, соған орай жұмыстың үйлестірілуі қалыпты жағдай. Айталық, спорт саласына қатысты нысаналы индикаторлар тізбесінде 4 көрсеткіш бекітілген. Олардың көрсеткіштері жыл қорытындысы бойынша шығарылады. Яғни, биылғы нәтижені тек келер жылы нақтылап, жетістік пен кемшілікті алдағы уақытта талқылайтын боламыз. Ал 2023 жылы біраз нәтижеге қолжеткіздік. Мәселен, бытыр аймақтағы дене шынықтырумен және спортпен айналысатын азаматтардың санын кемі 50 пайызға көтеру межесі айқындалған еді. Мұндай көрсеткішке жету үшін спорттың пайдасы, спорттың түрлерімен қай жерлерде тегін айналысуға болатыны туралы кең көлемді ақпараттық, насихат жұмыстары жүргізілді.

(Соңы 5-бетте)

# ЗАН газеті

ZANMEDIA.KZ

Қоғамдық-саяси, құқықтық газет

zangazet@mail.ru

№90 (3719)  
22 қараша 2024



• БҮГІНГІНІҢ БАС ТАҚЫРЫБЫ

## ҚАЙЫРЫМДЫЛЫҚ АЛАЯҚТАРДЫҢ АЗЫҒЫ БОЛМАУЫ ТИІС



Қазақ халқының дәстүрінде қайырымдылық пен жомарттық ерекше орын алады. Жетімін жылатпай, жесірін қаңғытпай, мұқтажға қол ұшын созу – ұлтымыздың асыл қасиеттерінің бірі. Алайда соңғы уақытта қайырымдылық саласында орын алған кейбір келеңсіз оқиғалар осы түсініктерге қауіп төсірді.

(Соңы 4-бетте)

• ТУРНИР

## ТАСТАЯҚ ТАРЛАНДАРЫ АНЫҚТАЛДЫ

Судьялар одағының орталық кеңесі бильярдтан турнир ұйымдастырды.

Судьялар қауымдастығы арасында салауатты өмір салтын дәріптеу, спорт пен пайдалы демалысты насихаттау одақтың негізгі бағыттарының бірі. Осы мақсатта түрлі спартакиадалар, веложарыстар өткізу жолға қойылып, жеңіл атлетикадан, футболдан, шаңғыдан түрлі додалардың ұйымдастырылғанына жұртшылық куә. Бұл іс-шараларға сот жүйесінің ардагерлері, судьялар мен сот әкімшілігінің қызметкерлері белсенді қатысады. Аға буын мен кейінгі буынның арасын

жалғап, ынтымағын нығайтуда алтын көпірдің ролін атқаратын спорт сайысының бірі – бильярд.

Жақында ел тәуелсіздігіне арналған іс-шаралар шеңберінде Судьялар одағының орталық кеңесі ҚР Жоғарғы Сотының ардагер судьялары арасында бильярдтан турнир өткізді. Жарысқа 16 адам қатысты.

Турнирдің ашылуында Судьялар одағының төрағасы Досжан Әмір жарысқа қатысушыларға сәттілік тіледі. Бас төреші Ерболат Жұмағұлов ойын регламенті мен ережелерін қатысушыларға таныстырды.

Турнир барысында ашылған алғашқы сайыс бильярд – бұл қолдың

ептілігін ғана емес, сонымен қатар стратегияны, қарсыластың ойынын болжай білуді және тез шешім қабылдауды қажет ететін ерекше интеллектуалды ойын екенін көрсетті. Әр үстелдегі үнсіз жекпе-жекте ардагер судьялар жанкүйерлерді дәл және әдемі соққыларымен қуантып, ақыл-ойдың өткірлігін, психологиялық тепе-теңдікті сақтай отырып, қызықты ойын көрсете білді.

Турнир қорытындысы бойынша:

1 орынды – Рахымбек Мамырбаев; 2 орынды – Әуезнұр Көженов; 3 орынды – Әбдірашид Жүкенов қанжығасына байлады.

(Соңы 2-бетте)















